

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2718-3/11
Sarajevo, 18. 7. 2012. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLIENO: 13.07.2012			
Organizaciona jedinica	Klasifikaciona oznaka	Redni broj	Broj priloga
02-50-6-16-8		11	

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslanička pitanja, dostavlja se

Vijeće ministara Bosne i Hercegovine je na 13. sjednici održanoj 12. 7. 2012. godine dalo suglasnost na Odgovor koji je pripremlilo Ministarstvo vanjske trgovine i ekonomskih odnosa na pitanja koja je postavio Dragutin Rodić, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja izaslaniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2718-3/11
Sarajevo, 16. 7. 2012. godine

Dragutin Rodić, delegat u Domu naroda Parlamentarne skupštine Bosne i Hercegovine na 8. sjednici ovog doma, održanoj 01.12.2011. godine, postavio je sljedeća pitanja:

„Prema podacima, u BiH je za prvih 11 mjeseci ove godine uvezeno 33. 650 tona mesa i klaničkih proizvoda u vrijednosti od 120.000.000 KM. Domaći proizvođači na ukupnom tržištu mesa učestvuju sa svega 10-15%. U najtežoj situaciji su domaći proizvođači koji se isključivo oslanjaju na domaću stočarsku proizvodnju. Interesuje me sljedeće:

1. „Da li je ovaj uvoz kontrolisan i da li je utvrđen kvalitet uvezenog mesa?“
2. „Šta je moguće preduzeti da se stimuliše domaća proizvodnja i da se smanji debalans u spoljnotrgovinskom prometu u ovoj oblasti?“

Sa predmetnim pitanjem Ministarstvo spoljne trgovine i ekonomskih odnosa je upoznato 30.12.2011. godine dopisom od Parlamentarne skupštine broj: 05-50-1-2718/11 od 29.12. 2011. godine i pripremlilo odgovor koji slijedi.

ODGOVOR

Odgovori na pitanja poslanika Dragutina Rodića slijede prema utvrđenom redosljedu:

1. „Da li je ovaj uvoz kontrolisan i da li je utvrđen kvalitet uvezenog mesa?“

Kontrolu uvezenog mesa u Bosni i Hercegovini obavlja Kancelarija za veterinarstvo Bosne i Hercegovine preko granične veterinarske inspekcije koja je u njenoj nadležnosti. Granični veterinarski inspektori u skladu sa svojim mandatom na osnovu Zakona o veterinarstvu BiH i podzakonskih propisa prilikom uvoza vrše pregled, te u skladu sa standardnim procedurama kontrolišu sve vrste pošiljki koje podliježu pregledu veterinarske inspekcije i odgovorni su za zaštitu zdravlja ljudi i životinja. Propisi koje pri svom radu primjenjuju granični veterinarski inspektori su

usklađeni sa propisima Evropske Unije kao i sam postupak pregleda se odvija u nekoliko faza:

- Sve pošiljke koje se uvoze moraju se najaviti 24 časa prije dolaska na granični prelaz
- Prilikom najave šalje se i veterinarski certifikat, gdje se provjeravaju podaci u certifikatu sa podacima u dokumentaciji za uvoz
- Pregled prilikom prispjeća pošiljke sa sastoji od dokumentacionog, fizičkog i identifikacionog pregleda
- Pregledom dokumentacije koja prati pošiljku se utvrđuje da li pošiljka ispunjava uslove koji su predviđeni i koji moraju da odgovaraju uslovima koje je propisala Bosna i Hercegovina
- Fizičkim pregledom se vizuelno pregleda pošiljka, kao i uslovi transporta
- Identifikacijom se utvrđuje da li sve što je navedeno u pratećoj dokumentaciji odgovara pošiljci koja se transportuje

Na osnovu identifikacionog pregleda posebna pažnja se posvećuje podacima navedenim u certifikatu i deklaraciji, kao i identifikaciji i fizičkom pregledu pošiljaka mesa. Od svih pošiljaka mesa se uzimaju uzorci i šalju se u laboratorije na mikrobiološke analize, analize prisustva veterinarskih lijekova, pesticida, radioaktivnosti kao i analize prisustva rezidua i organoleptičke analize. Unutrašnji promet uvezenih pošiljki se zabranjuje do dobijanja rezultata laboratorijskih analiza. Kada je u pitanju kvalitet mesa koje se uvozi za to su zaduženi drugi inspekcijски organi, a granični veterinarski inspektori naročitu pažnju posvećuju starosti uvezenog mesa odnosno na period koji je protekao od momenta klanja do uvoza u Bosnu i Hercegovinu, a što označava starost uvezenog mesa.

I pored ovih redovnih procedura pregleda pošiljki od strane graničnih veterinarskih inspektora kontituirano se rade i interne kontrole kvaliteta rada samih inspektora kao i provjera dokumentacije koja prati pošiljku i dokumentacije koju izdaje veterinarski inspektor.

2. „Šta je moguće preduzeti da se stimuliše domaća proizvodnja i da se smanji debalans u spoljnotrgovinskom prometu u ovoj oblasti?“

Svjesni problema u dijelu poljoprivredne proizvodnje i prehrambene industrije u BiH, te izbjegavanje nastanka eventualnih deficita u ovom segmentu, Sektor za poljoprivredu, prehranu, šumarstvo i ruralni razvoj MSTEО BiH izradio je dokument „Prijedlog mjera za poboljšanje uslova poslovanja u poljoprivrednoj proizvodnji i prehrambenoj industriji BiH“, usvojen od strane Savjeta ministara BiH na 109. sjednici održanoj 22.12.2009. godine, te na 73. sjednici održanoj 23.03.2010. godine Predstavničkog doma Parlamentarne skupštine BiH i na 44. sjednici održanoj 19.04.2010. godine Doma naroda Parlamentarne skupštine BiH. Po prvi put se nastoji u ovoj oblasti da se utiče na politike koje bi mogle donijeti u dogledno vrijeme u dužem roku konkretne ekonomske efekte, i za čiju implementaciju zadužene su

imenovane institucije sa rokovima izvršenja. Osnovni ciljevi usvojenih mjera je da se poveća spoljnotrgovinska razmjena Bosne i Hercegovine sa zemljama CEFTA u poljoprivrednim i prehrambenim proizvodima, da se stvore što bolji preduslovi za izvoz naših tradicionalnih prehrambenih proizvoda u zemlje članice EU koristeći sve prednosti postignutog Privremenog trgovinskog sporazuma o stabilizaciji i pridruživanju. Međutim, daleko veći efekti ovih mjera očekuju se u boljoj domaćoj ponudi ovih proizvoda čime se otvara mogućnost za stvaranje domaćih trgovinskih lanaca koji bi mogli biti konkurenti stranim trgovačkim kućama. U trenutku kada se još uvijek predviđaju otežavajući uslovi u poslovanju i pad prosječnog dohodka, te porast cijena hrane na svjetskom tržištu smatra se da bi primjena ovih mjera, mogla dovesti do većeg povjerenja potrošača i aktivnog učešća i drugih nadležnih institucija i nevladinih organizacija da rade dalje na podršci domaćoj proizvodnji i kampanjama promocije ponude i kupovine domaćeg proizvoda.

Usvojene mjere na neposredan ili posredan način utiču na stimulisanje društvene proizvodnje, te smanjenje debalansa u spoljnoj trgovini. Stoga, nabrojat ćemo samo neke od njih:

- Analizirati strukturu i namjenu direktnih stranih investicija koje su plasirane u distributivne lance i dati preporuke na osnovu koje će Savjet ministara BiH i Vlade entiteta donijeti odgovarajuće odluke;
- Sprovođenje i striktna primjena propisa i procedura za utvrđivanje carinske vrijednosti prilikom carinjenja uvoznih roba u Bosnu i Hercegovinu za proizvode: žitarice, voće, povrće, mlijeko i mliječni proizvodi, mesoprerađevine, med vodu i pivo;
- Pokretanje procedure za donošenje zaštitnih mjera za određene domaće poljoprivredne i stočarske proizvode, posebno onih koji su predmet prekomjernog uvoza;
- Izvršiti neophodne izmjene i dopune propisa vezanih za zaštitu domaće proizvodnje od prekomjernog uvoza kako bi se pojednostavile procedure i postupci dokazivanja i predlaganja mjera zaštite;
- Osiguranje zadovoljavajućeg zdravstvenog statusa populacije životinja u Bosni i Hercegovini kada se radi o bolestima, pojava koje imaju uticaja na međunarodnu trgovinu u smislu zabrane izvoza;
- Pokrenuti proceduru pregovaranja radi potpisivanja ugovora za međusobno priznavanje liste laboratorija i certifikata o kvalitetu u okviru CEFTA zemalja;
- Pokretanje inicijative za dopunu Zakona o carinskoj politici Bosne i Hercegovine kojom će se dati ovlaštenje Savjetu ministara BiH da za proizvode svrstane u glavama od 1 do 24. carinske tarife Bosne i Hercegovine može donijeti hitne mjere zaštite;
- Pokretanje procedure izmjene Zakona o akcizama u cilju oslobađanja repromaterijala od dodatnih dažbina (plavi dizel, mineralno đubrivo, sjeme i sadni materijal);
- Uskladiti mjere ruralnog razvoja u okviru postojećeg programa subvencija u entitetima i Brčko distriktu BiH i razviti mjere ruralnog razvoja u skladu sa EU mjerama, podsticati usvajanje standarda kvaliteta i jačanje konkurentnosti proizvođača i bolje korištenje i zaštitu prirodnih resursa;

-Intenzivno raditi na realizaciji aktivnosti i uspostavi tijela i strukture u cilju preuzimanja IPARD fondova-uspostava tijela za praćenje programa i uspostava sistema plaćanja.

Ministarstvo spoljne trgovine i ekonomskih odnosa BiH u saradnji sa nadležnim institucijama državnog i entitetskog nivoa, redovno polugodišnje, obavještava Savjet ministara BiH, te Parlamentarnu skupštinu BiH o postignutim rezultatima u realizaciji mjera.